

Pemuda warga asing didakwa miliki dadah

SIBU: Seorang pemuda warga asing dihadapkan di Mahkamah Majistret di sini, semalam atas dua pertuduhan memiliki dadah berbahaya.

Bagaimanapun tiada pen-
gakuan diambil daripada ter-
tuduh yang dikenali sebagai
Waliansyah, 19, yang berasal
dari Kalimantan Barat, In-
donesia.

Mahkamah kemudian
menetapkan kes disebut
semula di Mahkamah Sesyen
pada 24 September ini.

Mengikut pertuduhan per-
tama, dia dituduh memiliki
12.3 gram Methylenedioxy-
Amphetamine dan didakwa
mengikut Seksyen 12(2) Akta
Dadah Berbahaya (ADB)
1952 serta dihukum mengikut
Seksyen 39A(1) ADB 1952.

Sabit kesalahan boleh
dikenakan hukuman penjara

tidak kurang dua tahun dan
tidak lebih lima tahun dan
juga dikenakan sebatan tidak
kurang tiga kali serta tidak
lebih sembilan kali jika sabit
dengan kesalahan.

Sementara bagi pertuduhan
kedua, Waliansyah didakwa
mengikut Seksyen 12(2) ADB
1952 dan dihukum mengikut
Seksyen 39A(2)(x) ADB
1952 atas tuduhan memiliki
44.5 gram 3,4-Methylenedi-
oxymethamphetamine.

Sabit kesalahan boleh
dikenakan hukuman penjara
seumur hidup atau penjara
tidak kurang lima tahun dan
juga sebatan tidak kurang
10 kali.

Dia terdahulu didakwa
melakukan kedua-dua kesala-
han itu pada 9 September 2024,
kira-kira jam 9.45 malam di
tepi Jalan Long Bridge.